

বাংলাদেশের পাবলিক পরীক্ষায় দুর্নীতি

ডঃ মোহাম্মদ হান্নান

১৮৫ সালে তৎকালীন বাংলায় প্রথম উচ্চ হয়েছিল পাবলিক পরীক্ষা। তখন এর নাম ছিল প্রবেশিকা পরীক্ষা। প্রথম লন্ডন বিশ্ববিদ্যালয়ের অধীনে এবং পরে কলিকাতা বিশ্ববিদ্যালয়ের অধীনে এই পরীক্ষাগুলো অনুষ্ঠিত হতো।

বাংলাদেশে পাবলিক পরীক্ষার প্রথম থেকেই এতে দুর্নীতির ছোঁয়া লেগে গিয়েছিল। ১৮৬৪ সাল থেকে ১৯০১ সাল পর্যন্ত ঢাকা থেকে প্রকাশিত সংবাদপত্র 'ঢাকা প্রকাশ' এর বিভিন্ন সংখ্যায় অন্যান্য ব্যবসায় সঙ্গে 'আদালতে উত্তোচ প্রদান' ও 'পরীক্ষায় জুয়াচুরি' শীর্ষক সংবাদ নিয়মিতই স্থান করে নিয়েছিল। ১৮৬৪ সালের ২৩শে সেপ্টেম্বর 'ঢাকা প্রকাশ' এ 'পরীক্ষায় গোপনযোগ্য ও বিদ্যালয়ের ছাত্রদের চরিত্রহীনতা' শীর্ষক সংবাদ অন্যতম শিরোনাম হয়েছিল। ১৮৬৬ সালে ১৫ই জুলাইয়ের 'ঢাকা প্রকাশ' এ 'পরীক্ষা সম্বন্ধে লেকটেনেন্ট গভর্নরের অতিশয়' শিরোনামে প্রকাশিত প্রতিবেদনে পরীক্ষা ব্যবস্থায় সততার প্রসঙ্গটি উত্থাপিত হয়েছিল।

১৮৮২ সালের ৫ই ফেব্রুয়ারি সংখ্যায় 'ঢাকা প্রকাশ' নোট বই নিয়ে এক দীর্ঘ আলোচনা প্রকাশ করে এবং ১৯০১ সালের ১৭ই মার্চ 'শিক্ষার অবস্থা' সম্পর্কে হতাশা ব্যক্ত করে 'ঢাকা প্রকাশ' উপসম্পাদকীয় প্রকাশ করে। সেই থেকেই বাংলাদেশে পাবলিক পরীক্ষা এখন সিঙ্গাবাদের সেই রাক্ষসে পরিণত হয়েছে, যে রাক্ষস ঘাড় চড়ে বসেছিল যাকে নামাতে সিঙ্গাবাদের নাভিখান উঠেছিল।

প্রবেশিকা পরীক্ষার পর এর নাম হয়েছিল এম্বাল, আরো পরে পাকিস্তান আমলে এর নাম দেয়া হয় মেট্রিক পরীক্ষা। বাংলাদেশের স্বাধীনতার পর এসএসসি ও এইচএসসি দুটোই এখন পাবলিক পরীক্ষা বলে পরিচিত হয়েছে। এই পরীক্ষা তার ঐতিহ্য সূত্রেই লাভ করেছে অনাকাঙ্ক্ষিত দুর্নীতি।

পাকিস্তান আমলে ১৯৫৯ সালে এসএম শরীফকে চেয়ারম্যান করে যে শিক্ষা কমিশন গঠিত হয়েছিল, তার রিপোর্টে (প্রতিবেদন প্রকাশিত হয় ১৯৬২ সালে) পাকিস্তানের তৎকালীন পরীক্ষা সম্পর্কে অত্যন্ত হতাশা প্রকাশ করা হয়েছিল। রিপোর্টে বলা হয়েছিল, 'বর্তমান পরীক্ষাসমূহ জরুরি সংশোধন প্রয়োজনীয়' (পৃষ্ঠা ১৫৪)।

১৯৬৪ সালের ১৫ই ডিসেম্বর গঠিত বিচারপতি হামিদুর রহমান কমিশনের রিপোর্টেও (১৯৬৬ সালে এর প্রতিবেদন জমা দেয়া হয়েছিল) পরীক্ষায় অসদুপায় এবং দুর্নীতির ব্যাপারে উদ্বেগ প্রকাশ করা হয়েছিল। হামিদুর রহমান কমিশন অবশ্য পরীক্ষায় দুর্নীতির ক্ষেত্রে শিক্ষক এবং টেবলেটসেফের সুস্থান পায় এবং তাদের জন্যে কঠোর শাস্তির সুপারিশ করে। (পৃষ্ঠা ১০৪-১০৫)।

বাংলাদেশের স্বাধীনতার পর পরীক্ষায় দুর্নীতির বিষয়টি তার ঐতিহ্যকেই বরাবরের মতো ধারণ করে এগিয়ে যায়। এ সময় ছাত্রসংখ্যার হার পূর্বের তুলনায় অস্বাভাবিকভাবে বেড়ে যাওয়ায় পরীক্ষায় দুর্নীতির মাত্রাও মহামারীতে পরিণত হয়। ১৯৭২ সালের ২রা ডিসেম্বর ইন্ডিয়ান কংগ্রেসে নবসংস্কারা বড় ধরনের হামলা চালিয়ে পরীক্ষা কেন্দ্র লুণ্ঠন করে দেয়। ১৯৭৩ সালের ৩রা এপ্রিল কুমিল্লায় কলেজের পরীক্ষায় নকলে বাসা দিতে গলে একজন শিক্ষক গুরুতরভাবে আহত হন। একে বড় ধরনের গোপনযোগ্য হয়েছিল এবং ৬৭ জন নকলবাজ ছাত্র পুলিশের হাতে গ্রেফতার হয়েছিল।

ডঃ কুদরাত-এ-বুদা তার শিক্ষা কমিশনের রিপোর্টে (প্রতিবেদন ১৯৭৪ সালের মে মাসে প্রকাশিত) এনব লক্ষ্য করে মন্তব্য করেছিলেন, 'সাম্প্রতিককালে পরীক্ষায় ব্যাপক আকারে দুর্নীতি দেখা দিয়েছে।... এই দুর্নীতি পরীক্ষাসমূহকে প্রহসনে পরিণত করেছে।' (পৃষ্ঠা ১৬৪)।

বাংলাদেশের পাবলিক পরীক্ষা অত্যন্ত নাজুক অবস্থার মধ্যে পতিত হয় সামরিক শাসনামলে। ছাত্রদের মধ্যে নানারকম নৈতিকতা ও দুর্নীতি ছড়িয়ে পড়ে। রাজনীতিবিদদের, শাসকদের, প্রশাসনের কর্মকর্তাদের নীতিহীনতাকে পুঁজি করেই রাষ্ট্রের সর্বোচ্চ পর্যায় থেকে নিম্ন পর্যায় পর্যন্ত দুর্নীতির রাক্ষাসের সুযোগ একশ্রেণীর অসংখ্য ছাত্র পরীক্ষায় ভালভাবেই গ্রহণ করে। যাদের এর বিরুদ্ধে দাঁড়ানোর কথা তারাও এর বিরুদ্ধে বলায় মতো নৈতিক সাহস হারিয়ে ফেলেছিলেন।

১৯৭৭ সালের ১২ই মার্চ দেশের নানা পরীক্ষা কেন্দ্রেই গোপনযোগ্য হয় এবং তলিবর্ষের মতো ঘটনাও ঘটে। এই প্রথম পরীক্ষা কেন্দ্রে গোপনযোগ্যের তদন্তে বিচার বিভাগীয় কমিশন নিয়োগ দিতে হয় সরকারকে।

দেশের রাজনৈতিক পরিস্থিতি আরো নৈতিক মান হারিয়ে ফেলে ১৯৭৭ সালের ৩১শে মে এবং ১৯৮৫ সালের ২১শে মার্চের সামরিক শাসকদের প্রতি জনগণের হ্যা-না আহ্বা ভোটের কেলেকোরি। দেশের ছাত্র-তরুণদের কাছে এ ঘটনা নৈতিকতার সকল ফানুসই উড়িয়ে দেয়। ১৯৮৮ সালের ৩রা মার্চ এবং ১৯৯৬ সালের ১৫ই ফেব্রুয়ারি অনুষ্ঠিত জাতীয় সংসদের প্রহসনের নির্বাচন পরীক্ষা বিষয়ক মূল্যবোধকে বাচিয়ে রাখার সামান্য আশাও ধ্বংস করে দেয়।

আর এরপর থেকেই দেখা যায়, বহুবাকব নয়, স্বয়ং পিতা-মাতাই নকল সরবরাহ করতে সম্মানের জন্যে নেমে পড়েছেন। মূল্যবোধের কতখানি অবক্ষয় ঘটলে এতটা বিপর্যয় ঘনীভূত হতে পারে তা শুধু কল্পনার নয়, আশঙ্কিত হওয়ার বিষয়েই পরিণত হয়।

১৯৭৯ সালের অক্টোবরকালীন শিক্ষানীতিতে এই পটভূমিতেই পরীক্ষাসমূহে নতুন ধরনের প্রণয়না উদ্ভাবনের কথা বলা হয়। (পৃষ্ঠা ৪৩)। ১৯৮৮ সালের জাতীয় শিক্ষা কমিশনের প্রতিবেদনেও 'পরীক্ষা পরিস্থিতির ক্রমবর্ধন বর্তমানে এক গুরুতর রূপ পরিগ্রহ করেছে' বলে মন্তব্য করে। (পৃষ্ঠা ২৫৫)।

১৯৯০ সাল থেকে ১৯৯৯ সালের মধ্যে দেশের পরীক্ষার্থীর হার পূর্বতন সংখ্যার তুলনায় ব্যাপকভাবে বৃদ্ধি পায়। এত বিপুল সংখ্যার পরীক্ষার্থী সামাল দিতে পরীক্ষা কেন্দ্রের সংখ্যাও বৃদ্ধি পেয়েছে। এই সংখ্যার পরিমাণ এখন থেকে আরো বৃদ্ধি পেতেই থাকবে। কারণ দেশের শিক্ষার হার বেড়ে চলেছে, ফলেই পাবলিক পরীক্ষায় এর প্রচণ্ড চাপ আরো অনুভূত হবে।

এই পটভূমিতে বাংলাদেশের পাবলিক পরীক্ষায় সমস্যাগুলো আরো প্রকট হতে চলেছে। এর কারণ ১. নকলের ট্রেনিং ছাত্ররা নিজে যার যার শিক্ষা প্রতিষ্ঠানের বার্ষিক পরীক্ষাগুলোতেই, শিক্ষকরা কিছু বলছেন না ২. বোরখা-মুড়ি দিয়ে ধার্মিক মা নিজের সম্বন্ধে নকল সরবরাহ করতে আসছেন (এ সম্পর্কিত সরঞ্জাম প্রতিবেদন দেখুন সংবাদ ৩রা জুন ১৯৯৮ এবং দৈনিক ইত্তেফাক ৩১শে মে ১৯৯৮)। ৩. অযৌক্তিক কারণে পরীক্ষা পেছানোর আন্দোলন বেড়ে চলেছে। ৪. প্রশ্রুত ফাঁস হচ্ছে অথবা ফাঁস হওয়ার ঘটনা আপাতত বন্ধ হয়েছে বলে মনে হয়)। ৫. রাজনৈতিক ও ব্যবসায়িক কারণে স্থাপিত পরীক্ষা কেন্দ্রগুলো সুষ্ঠু পরীক্ষা ব্যবস্থার প্রধান হুমকি হয়ে দাঁড়িয়েছে। ৬. এসব কেন্দ্রে পুলিশ, ম্যাজিস্ট্রেট এবং শিক্ষকরা একযোগে চোখ উল্টে রেখেছেন নকল প্রতিরোধের ক্ষেত্রে ৭. পরীক্ষার খাতা দেখার ক্ষেত্রে শিক্ষকদের দুর্নীতি পূর্বের তুলনায় আরো বেড়েছে। ৮. নোটবইগুলো পূর্বের তুলনায় আকৃতিতে ছোট হয়ে এসেছে নকল করতে অধিকতর সুবিধা দেয়ার জন্যে।

এই অচল্যতন কি কেউ একা ভাঙতে পারবে নাকি কেউ কখনো পেরেছে! এর জন্যে যে সামাজিক আন্দোলন প্রয়োজন তার ডাক দেবে কে? যে দেশের তরুণরা পাকিস্তানের বাঘা বাঘা বলে খ্যাত মিলিটারিদের এমনভাবে হুঙ্গে পরাজিত করেছিল, সে দেশের তরুণরা নকলের মতো ঘৃণ্য একটা ক্ষুদ্র অপশক্তিকে পরাজিত করতে পারবে না!

৫৭